

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO–DOBOJSKI KANTON  
KANTONALNO TUŽILAŠTVO  
ZENIČKO–DOBOJSKOG KANTONA

Broj: T04 0 KT 0059884 24  
Zenica, 19.02.2025. godine

OPĆINSKOM SUDU U ZENICI  
-Sudiji za prethodno saslušanje-  
ZENICA

Na osnovu člana 45. stav 2. tačka i), člana 241. stav 1. Zakona o krivičnom postupku  
F BiH, p o d i ž e m

OPTUŽNICU

Protiv:

L. M., osuđivan,

što je, u neuračunljivom stanju,

1. Dana 30.07.2024. godine oko 16,00 sati, u Z., u ulici L. ispred samoposluge H. i slastičarne P., naročito drskim i bezobzirnim ponašanjem ugrozio građanski mir drugih, na način da je, kada je P. E., koji je prodavao cigarete, otišao u slastičarnu P. gdje je sjedio, dok je cigarete ostavio na kartonskoj kutiji ispred samoposluge H., prišao predmetnoj kartonskoj kutiji, istu šutnuo, glasno govoreći :„Gdje je ovaj, neće ovdje prodavati cigare!“, zatim je E., nakon što je čuo navedene riječi krenuo da mu se javi, kada je on vidjevši E. izvadio dva šarafcigera iz svoje torbice i držeći iste u rukama krenuo prema njemu, koji je iz straha počeo da se udaljava od njega, a on je trčao za E., koji je na posljertku uspio pobjeći u svoj stan, nakon čega je svojoj supruzi P. Dž. ispričao šta se dogodilo, pa kako su im cigarete ostale vani, odlučili su da izađu zajedno i pokupe iste kao i telefon koji je E. ostavio u slastičarnoj P., pa kada su prišli cigaretama i iste pokupili, on ih je vidio, pošto je sjedio u UO „A.“ , potom ustao i sa šarafcigerima u rukama krenuo prema njima, nakon čega su E. i Dž. počeli da bježe, E. u pravcu njihovog stana u ulici M. S., a Dž. u obližnji market tj. H., a on je ušao za njom, pitajući radnike gdje je otišla, dok se Dž. krila iza frižidera, nakon čega je došao do frižidera i stavio obje svoje ruke na frižider, u kojima su bili šarafcigeri, psovajući joj dijete i rekavši joj da poruči mužu da skloni svoje auto, da neće više da ga vidi, nakon čega je, po dolasku radnice marketa B. Dž. isti izašao iz objekta, a ubrzo su na lice mjesta stigli policijski službenici,

Dakle, naročito drskim i bezobzirnim ponašanjem ugrozio građanski mir drugih osoba,

2. Dana 30.07.2024. godine, u Zenici, u prostorijama Doma zdravlja Z., Služba hitne medicinske pomoći i Kantonalne bolnice Zenica, ugrozio sigurnost drugih lica, ozbiljnim prijetnjama da će napasti na njihov život, tako što je, nakon što je od

strane policijskih službenika doveden i nakon što je doktor P. A. obavio pregled, te izdao obrazac za prisilno zadržavanje na Odjelu psihijatrije u KB Zenica, te pristupili njegovom transportu u Kantonalnu bolnicu, počeo A. verbalno vrijeđati, uputivši mu ozbiljne prijetnje sadržaja: „Naći ću te, imaš ženu i dijete!“, nakon čega je na Odjelu psihijatrije u KB Zenica, doktorici E., uputio ozbiljne prijetnje sadržaja da će ubiti i nju i doktora A., riječima: „Ja ću doktoricu sa psihijatrije i onog iz hitne ubiti!“, na koji opisani način je izazvao osjećaj straha i ugroženosti za ličnu sigurnost P. A. i B. M. E.,

Dakle, ozbiljnim prijetnjama ugrozio sigurnost više osoba,

čime je počinio protupravno djelo „Nasilničko ponašanje“ iz člana 362. stav 1. KZ F BiH u sticaju sa protupravnim djelom „Ugrožavanje sigurnosti“ iz člana 183. stav 2. u vezi sa stavom 1. KZ F BiH, u vezi sa članom 54. KZ F BiH.